

ZAPISNIK SA 26. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK 22.02.2022. GODINE

Prisutni: Damir Smital; Neda Tadić; Džemal Kahrica; Elvis Čengić; Edis Fočo; Samir Gadžo; Josip Sogović; Merima Kurtović Pašalić; Omer Bukić; Mensud Grbo; Mustafa Baručija; Nihad Arnautović; Mubera Herac; Sadin Kavazović

Odsutni: Ekrem Agić; Rifat Kukić; –opravdano

Dnevni red:

1. Zapisnik sa 25. redovne i 12. vanredne sjednice
2. Aktuelna situacija u BHRT-u
3. Skupština - priprema
4. Finansije
 - Izvještaji blagajnika (D. Karšić)
 - Adriatic (M. Herac)
 - 8. Mart
5. Pomoć
6. Razno

AD 1. D. Smital je na osnovu člana 35. Statuta Samostalnog sindikata radnika u BHRT-u, u 13.02. sati otvorio 26. sjednicu UO SSR u BHRT-u. Dnevni red je jednoglasno usvojen uz dodatak E. Čengića da je Podružnica RTV Produkcije pripremila prijedloge, a koji su u skladu sa dnevnim redom. Zapisnici sa 25. redovne i 12. vanredne sjednice UO sindikata su jednoglasno usvojeni.

AD2. D. Smital je obavjestio UO da će sjednicu voditi do tačke Skupština –priprema, obzirom na njegovo zdravstveno stanje, a da će nakon toga N. Tadić završiti sjednicu UO.

Povjereništvo Podružnice RTV Produkcije je dostavilo inicijative za UO Sindikata:

- zahtjevamo da se prijedlog kolektivnog ugovora bez odlaganja uputi Ministarstvu prometa i komunikacija BiH, jer smo mišljenja da je to adresa za pregovore. Ukoliko je naše mišljenje pogrešno, Ministarstvo će nam dati odgovor gdje i kome da se obratimo u slučaju kolektivnog ugovora.
- ne želimo više da gubimo vrijeme i zbog toga u isto vrijeme zahtjevamo da se ispred sindikata pošalje upit Ministarstvu pravde BiH ko je druga i odgovorna strana za pregovaranje kolektivnog ugovora za uposlenike Javnog servisa BHRT-a.
- tražimo od UO sindikata da se od menadžmenta zahtjeva prosjek plaća po sektorima posljednjih 6 mjeseci sa brojem izvršilaca.
- još jednom tražimo od UO sindikata da se od menadžmenta zahtjeva da se poštuje odluka generalnog direktora od 30.09.2016. godine, broj 101-1346/16 u kojoj se jasno utvrđuje da je producent programa/projekta odgovorno lice za sve aspekte realizacije programskih sadržaja van sjedišta BHRT-a.
- tražimo da odgovorne službe u RTV Domu poprave (iznivelišu) podove i podne ploče na 6. spratu (PP centar BH Radija 1) i u režijama C i D, kako ne bi došlo do povređivanja uposlenika.
- Podružnica RTV Produkcije predlaže da se za 8. mart za članice sindikata izdvoji poklon bon od 50KM DM-a što ukupno iznosi 8,225,00 KM, sa popustom za sindikat.

UO Sindikata je na osnovu inicijativa Podružnice RTV Produkcije i nakon kraće rasprave jednoglasno usvojio zaključak:

Da se pošalje zvaničan dopis Ministarstvu pravde BiH kao i Ministarstvu prometa i komunikacija BiH sa upitom koja osoba ispred BHRT-a može potpisati kolektivni ugovor za uposlenike BHRT-a.

Da se generalnom direktoru dostave slijedeći zahtjevi u elektronskoj formi:

- SSR u BHRT-u traži od menadžmenta BHRT-a da se sprovede Odluka o radu na terenu broj: 101-1346/16, koju je donio generalni direktor BHRT-a, te da menadžment traži od odgovornih osoba iz te odluke da se ona poštuje. Zahtjev se dostavlja zbog učestalih primjedbi naših članova sa terena da se ta odluka ne poštuje.
- SSR u BHRT-u traži od menadžmenta da mu se dostavi prosjek plata u BHRT-u, po sektorima, za prethodnih 6. mjeseci.
- SSR u BHRT-u traži od menadžmenta da mu se dostavi iznos prikupljene RTV takse, koji pripada BHRT-u, u periodu avgust 2021-januar 2022 po mjesecima, uporedno sa istim periodom iz prethodnih godina.
- SSR u BHRT-u traži od menadžmenta da se uradi nivelisanje podova na 6. spratu i režijama studija C i D, jer prema informacijama od naših članova, postoji mogućnost teže povrede radnika ukoliko se to ne uradi.

Također, Sindikat zahtjeva da se, obzirom na trenutnu finansijsku situaciju, prilikom investiranja odnosno ulaganja u BHRT-u utvrde prioriteta, jer postoje dijelovi BHRT-a koji se nalaze u jako lošem stanju (što zbog starosti opreme, što zbog gotovo nikakvog ulaganja u iste). Napominjemo da su u pitanju dijelovi BHRT-a koji direktno učestvuju u realizaciji odnosno emitovanju radio i TV programa, čime se dovodi u pitanje naša osnovna djelatnost.

UO sindikata je sa 14 glasova ZA i 1 suzdržanim usvojio Odluku o pomoći za članove sindikata sa kojima BHRT nije produžio ugovor. Upravni odbor odobrava sredstva za članove sindikata sa kojima BHRT nije produžio ugovor u iznosu od po 400 KM: Edin Sulejmanović, Amir Kazić, Bajtal Jasmina, Redžović Amra, Džubur Enes. Odluka će se provoditi za sve članove SSR u BHRT-u, kojima BHRT ne produži ugovor u periodu 1.2. 2022. – 1.5. 2022. godine.

N.Tadić je napomenula da je poslala generalnom direktoru upit u vezi otpuštanja radnika i da odgovor nije dobila. Također traženo je održavanje sastanka u vezi ovog problema, ali generalni direktor nije želio održati sastanak sa sindikatom po tom pitanju. Zbog toga su povjerenici, kako je istakla N.Tadić, bili zaduženi da prikupe informacije po svojim podružnicama o neprodužavanju ugovora radnicima odnosno članovima sindikata. Nakon duže rasprave u kojoj su učestvovali J.Sogović, M.Herac, M.Kurtović Pašalić, E.Čengić, Dž.Kahrica, O.Bukić i D.Miljević, donesen je zaključak da se od generalnog direktora traži da prisustvuje Varednoj sjednici UO koja bi se održala u terminu koji njemu odgovara, kako bi članovi UO mogli postaviti sva pitanja koja interesuju članstvo sindikata.

AD 3 D.Smital je istakao da je u skladu sa zakonom sindikat dužan organizovati redovnu(izvještajnu) skupštinu. UO Sindikata je jednoglasno usvojio prijedloge D.Smitala da se za sljedeću sjednicu pripreme delegati po podružnicama, Izvještaj o radu kojeg će pripremiti izvršni sekretar, Program rada kojeg će pripremiti D.Smital kao i finansijski izvještaj kojeg treba dostaviti knjigovođa sindikata. Za Nadzorni odbor izvršni sekretar će pripremiti sve odluke kao i blagajničke izvještaje iz 2021.godine. Izvještaj o pomoći za 2021.godinu će pripremiti M.Herac.

Također je dogovoreno da sljedeća redovna sjednica bude održana 22. marta kako bi se stigao pripremiti materijal za delegate i dostaviti u zakonskom roku.

D.Smital je napustio sjednicu u 14.32.sati.

AD 4 Blagajnički izvještaj D.Karšić za decembar 2021.i januar 2022.godine su primljeni k znanju.

- Izvještaj M.Herac o poslovanju sa Adriatic osiguranjem za decembar 2021.i januar 2022.godine su primljeni k znanju.

Dž.Kahrica je obavjestio UO da je Adriatic osiguranje uplatio povrat sindikatu u iznosu od 1566,40 KM.

N.Tadić je ponovila da je Podružnica RTV Produkcije predložila da se za 8.mart za članice sindikata izdvoji poklon bon od 50KM DM-a što ukupno iznosi 8,225,00 KM sa popustom za sindikat. E.Čengić je napomenuo da su sa ovim prijedlogom obuhvaćene i žene koje su ostale bez posla kao i mediciska sestra i doktorice koje su radile i rade u RTV Domu.

Nakon kraće rasprave sa Dž.Kahricom, E.Čengić je povukao prijedlog RTV Produkcije o iznosu poklon bona za 8.mart.

Dž.Kahrica je predložio da se za 8 .mart izdvoji po 50 KM za članice sindikata. Ovaj prijedlog odluke je usvojen sa 11 glasova za, 2 protiv i 1 suzdržanim.

AD 5 Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec februar 2022.godine dobiju slijedeći članovi: Vrgoč Nevenka 500,00 KM (II dio); Macić Samir 300,00 KM (II dio); Suljović Razija 300 KM; Šehić Muniba 200 KM; Pavić Alen 200 KM Ukupno 1.500,00 KM.

Za rođenje djeteta za Poklon bon Konzuma u iznosu od 120KM (4x30KM)+80KM (na račun) komisija predlaže Nurković Mersihu. Prijedlog odluke komisije je usvoje nsa 12 glasova ZA, 1 PROTIV i jedan član UO nije glasao.

N.Tadić je zaključila 26. sjednicu UO Sindikata u 15.04 sati.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital